

ПЕСНОПЕНИЯ

Сретение Господа Бога и Спаса нашего Иисуса Христа.

В этот день в церкви поются стихиры и тропари Праздника.

Я выбрал их для себя из Минеи и решил поделиться ими с вами. Эти песнопения можно включить в утренние и вечерние молитвы. Вечером после начального Отче Наш читается Господи помилуй (12 раз) и затем вечерняя часть песнопений из Минеи, а утром утренняя часть песнопений читается перед «Достойно есть».

Кстати, до отдания Праздника (22 февраля) «Достойно есть» в утренних и вечерних молитвах заменяется на Задостойник Праздника:

Богородице Дево, упование христианом, покрый, соблюди и спаси на Тя уповающих.

В законе сени и писаний образ видим, вернии: всяк мужеский пол, ложесна разверзая, свят Богу. Тем Перворожденное Слово Отца Безначальна, Сына, первородящая Материю неискусомужно, величаем.

Сретение Господа Бога и Спаса нашего Иисуса Христа

Вечерние песнопения

Стихиры на Господи воззвах:

Неописанное слово и пресущное, Небесными престолы носимое со славою, приемлет на руки сimeон, вопия: ныне отпусти мя , по глаголу твоему, Спасе, верных спасение и наслаждение.

Младнца видев тя, вопияше чудный сimeон, превечнаго слова от отца рожденна, страшуся и боюся, руками моими обяти, Владыко: но с миром раба твоего ищай, ныне отпусти, яко милосерд.

Ныне да отверзется дверь Небесная: иже от отца без семени рождся Бог слово, родися от Девы, плоть прием чelовечу волею, обновити естество, яко Благ, и посадити одесную отца.

Слава, и ныне: Днесь Священная Мати и святилища вышши, во святилище прииде, явльшая миру законодавца и закона творца. егоже на руки прием старец сimeон, радуся взываше: ныне отпускаеши раба твоего, яко видех тя, Спаса душ наших.

Глаголи, сimeоне, кого нося на руку в церкви радуешися? кому зовеш и вопиеши: ныне свободихся, видех бо Спаса моего? сей есть от Девы рождейся: сей есть от Бога Бог слово, воплотивыйся нас ради и спасый чelовека, тому поклонимся.

Прими, сimeоне, егоже под мраком моисей законополагающа провиде в синаи, младенца бывша, закону повинующася. сей есть законом глаголавый, сей есть во пророцех реченный, воплотивыйся нас ради и спасый чelовека, тому поклонимся.

Приидем и мы, песньми Божественными Христа усрящем и примем его, егоже спасение сimeон виде.

сей есть, егоже Давид провозвести, сей есть во Пророцех глаголавый, воплотивыйся нас ради и законом вещавый, тому поклонимся.

Слава, и ныне: Да отверзется дверь Небесная днесь: безначальное бо слово отчее, начало приим под леты, не отступль своего Божества, от Девы яко младенец четырехдесятодневен, Материю вольне приносится в Церковь законную: и сего на руки приемлет старец, отпусти, зовый, раба, Владыко, ибо очи мои видеста спасение твое. пришедый в мир спасти род человець, Господи, слава тебе.

На Литии стихиры самогласны:

Ветхий деньми, иже закон древле в синаи дав моисею, днесь младенец видится, и по закону яко закона творец, закон исполняя, во храм приносится, и старцу дается. Прием же сего сиеон праведный, и обещаний сбытие видево совершаемое, радостно вопияше: видеша очи мои, еже от века таинство сокровенное, напоследок дний сих явльшееся, свет, разоря неверных языков омрачение, и славу дая новоизбранну Израилю: темже отпусти раба твоего от соуз сея плоти к нестареемому и чудному некончаемому животу, подавая миру велию милость.

Днесь древле моисею в синаи закон подавый, законным повинуется велением, нас ради яко милосерд по нам быв. Ныне чистый Бог, яко отроча свято, ложесна разверз чистыя, себе самому яко Бог приносится, законныя клятвы свобождая, и просвещая души наша.

Емуже вышнии служителие с трепетом молятся, долу ныне сиеон вещными руками прием, Бога человеком соединитися проповеда, и человека Небесна Бога видяй, отлучаяся сущих на земли радостно взываше: иже во тме сущим невечерний свет открываяй, Господи, слава тебе.

Днесь сиемоне на руки Господа славы подемлеть, егже под мраком первее моисей виде, на горе синайстей скрижали дающа ему. сей есть, иже во пророцех глаголяй, и закона творец. сей есть, егже Давид возвещает, иже всем страшный, имей велию и богатую милость.

Сщ~еннаго Священна Дева принесе во святилище святителю, простер же руце сиемон прият сего радуся, и возопи: ныне отпускаеши раба твоего, Владыко, по глаголу твоему, с миром, Господи.

Зиждитель Небесе и земли на руках ношашеся святым сиемоном старцем днесь. той бо Духом святым глаголаше: ныне свободихся, видех бо Спаса моего.

Днесь сиемон старец во храм входит, радуся Духом, законодавца моисеева и исполнителя закона на руки восприяти. он убо мраком и гласом неявленным Боговидец сподобися быти, покровенным лицом евреем неверная сердца из_обличи: сей же первовечное слово отчее воплощенное понесе, и языком откры свет, Крест и воскресение: и анна пророчица показася, Спаса избавителя Израилу проповедающи. тому возопиим Христу Богу нашему: Богородицы ради помилуй нас.

Слава: Испытайте писания, якоже рече, во евангелиих Христос Бог наш: в них бо обретаем того раждаема, и пеленами повиваема, в яслех полагаема, и млеко питаема, обрезание приемлюща, и сиемоном носима, не мнением, ни привидением, но истинною миру явльшася, к немуже возопиим: превечный Боже, слава тебе.

И ныне: Ветхий деньми младенствовав плотию, Материю Девою в церковь приносится, своего закона исполняя обещанием, егже сиемон приим глаголаше: ныне отпускаеши с миром, по глаголу твоему, раба твоего: видеша бо очи мои спасение твое, святей.

На стиховне стихиры:

Украси твой чертог, сионе, и подыми Царя Христа, целуй Марию, Небесную дверь: та бо престол херувимский явися, та носит Царя славы. облак света есть Дева, носящи на руках Сына прежде денницы, егоже прием сиемон на руки своя, проповедавая людям Владыку сего быти живота и смерти, и Спаса миру.

Стих: Ныне отпускаеши раба твоего, Владыко, по глаголу твоему, с миром.

Возсиявшего прежде век от отца, напоследок же от ложесн Девических, носящи в Церковь неискусобрачная Мати, в синаистей горе законоположившаго, повелению законному повинующаяся принесе святителю старцу и праведнику, Христа Господа видети обещанна: егоже прием сиемон на руки своя, возрадовася, вопия: Бог есть сей, отцу соприисносущный и избавитель душ наших.

Стих: Свет во откровение языков, и славу людей твоих Израиля.

Носимаго на колеснице херувимстей, и певаемого в песнях серафимских, носящи на руку Богородица Мариа неискусобрачно из нея воплощагося, законодавца, закона исполняюща чин, подаяше рукам старца иереа: живот же носяй, живота прошаше разрешения, глаголя: Владыко, ныне отпусти мя возвестити адаму, яко видех непреложна отроча, Бога превечнаго и Спаса мира.

Слава, и ныне: Иже на херувимех носимый и певаемый от серафим, днесь в Божественное святилище по закону приносимъ, на старческих яко на Престоле сидит руках: и от иосифа приемлет дары Боголепно, яко супруг горлицищ, нескверную Церковь, и от язык новоизбранныя люди: голубина же два птенца, яко начальник ветхаго же и новаго. еже к нему обещания

симеон конец прием, благословя Деву Марию Богородицу, страстей образы иже из нея провозгласи, и от него прошаше отпущения, вопия: ныне отпусти мя, Владыко, якоже прежде возвести ми: яко видех тя первовечнаго света, и Спаса Господа Христоименитым людем.

Тропарь, глас 1:

Радуйся, благодатная Богородице Дево, из тебе бо возсия солнце правды Христос Бог наш, просвещаяй сущия во тме: веселися и ты, старче праведный, приемый во объятия свободителя душ наших, дарующаго нам воскресение.

Кондак глас 1:

Утробу Девичу освятивый Рождеством твоим, и руце симеоне Благословивый, якоже подобаше, предварив и ныне спасл еси нас, Христе Боже: но умири во бранех жительство и укрепи люди, ихже возлюбил еси, единае человеколюбче.

Величание

Величаем Тя, Живодавче Христе, и чем, Пречистую Матерь Твою, Еюже по закону ныне принеслся еси в храм Господень.

Сретение Господа Бога и Спаса нашего Иисуса Христа

Вечерние песнопения

Тропарь, кондак и величание Праздника.

Седальны:

Лик ангельский да удивится чудеси, земнии же гласы возопием пение, зряще неизреченное Божие снисхождение: егоже бо трепещут Небесныя силы, ныне старчи обемлют руце единого человеколюбца.

Слава и ныне: Сый со отцем на Престоле святем, пришед на землю от Девы родися, и младенец бысть леты сый неописан, егоже приим симеон на руки, радуясь глаголаше: ныне отпускаеши, щедре, возвеселив раба твоего.

По полиелеи седален:

Младенствуеши мене ради, ветхий деньми: чищением приобщаеши, чистейший Боже, да плоть увериши мне, юже от Девы. и сим симеон поучаяся, позна тя Бога являшагося плотию и яко жизнь, лобзаше, и радуясь старчески вzywаше: отпусти мене, тебе бо видех, живота всяческих.

По 50-м _псалме стихира:

Да отверзется дверь Небесная днесь: безначальное бо слово отчее, начало прием под леты, не отступль своего Божества, от Девы, яко младенец четыредесятидневен, Материю вольне приносится в церковь законную: и сего на руки приемлет старец, отпусти, зовый, раба, Владыко, ибо очи мои видеста спасение твое. Пришедый в мир спасти род человекъ, Господи, слава тебе.

На каноне седален:

На горе синайстей древле виде моисей задняя Божия, и тонкий Божественный глас сподобися во мраце же и вихре слышати: ныне же симеон воплощенного Бога непреложне нас ради на руки прият, и радостно тщашеся ити от сущих zde к животу вечному. темже вопияше: ныне отпускаеши раба твоего, Владыко.

Икос:

К Богородице притецем, хотящи Сына ея видети, к симеону носима, егоже с Небесе безплотнии видяще, дивляхуся глаголюще: чудная зрим ныне и преславная, непостижимая, несказанная: иже бо адама создавый носится, яко младенец, невместимый вмещается на руках старчих, иже в недрах неописанных сый отца своего, волею описуется плотию, а не Божеством, един человеколюбец.

Светилен:

Дх~ом во святилищи представ старец, на руки восприят закона Владыку, вопия: ныне союз мя плотских разреши, якоже рекл еси, с миром: видех бо очима откровение языков и израилю спасение.

На хвалитех стихиры:

Закон иже в писании исполняя человеколюбец, в Церковь ныне приносится: и сего приемлет старыми руками симеон старец, ныне отпускаеши мя, вопия, ко оному блаженству: видех бо ты днесь плотию мертвенною обложенного, животом господствующа и смертью владычествующа.

Свет во откровение языков, явился еси, Господи, на облаце сидя легче, солнце правды, закона сеновное исполняя, и начало изиявляя новыя благодати. тем ты видев симеон вzywаше: из истления мя разреши, яко видех ты днесь.

Недр родителя не отлучся Божеством, воплощся, якоже
изволил еси, обаятиями держимь присноДевы, на руки
подався еси Богоприимца сimeона, рукою твоею
держай всяческая: темже ныне отпускаеши мя,
радостно взываше, в мире раба твоего, яко видех тя,
Владыко.

Слава, и ныне: На руках старческих во днешний день,
яко на колеснице херувимстей, восклонитися
Благоизволивый, Христе Боже: и нас поющих тя,
страстей мучительства призываемый избави и спаси,
яко человеколюбец.